

ORDENANZA FISCAL Nº 17 REGULADORA DA TAXA POLA PRESTACION DO SERVICIO DO PUNTO DE ATENCIÓN A INFANCIA NO CONCELLO DE BOIMORTO .

ARTIGO 1.- FUNDAMENTO LEGAL

En uso das facultades concedidas polos artigos 133.2 e 142 da Constitución e polo artigo 106, da Lei 7/1985, Reguladora das Bases de Réxime Local, e de conformidade co disposto nos artigos 15 a 19, en relación co artigo 20 do Real Decreto 2/2004, de 5 de marzo polo que se aproba o TEXto Refundido da Lei Reguladora Das Facendas Locais, o Concello de Boimorto establece a taxa pola prestación do servizo do Punto de atención a infancia que se rexerá pola presente ordenanza fiscal.

ARTIGO 2.- FEITO IMPONIBLE

Constitúe o feito imponible da taxa a prestación do servizo do PAI.

ARTIGO 3.- SUXEITOS PASIVOS

Son suxeitos pasivos da taxa, en concepto de contribuíntes, as persoas que resulten beneficiadas ou afectadas pola actividade administrativa ou servizo que constitúe o feito imponible desta taxa.

Tendo en conta que os usuarios do servizo gravado por esta taxa son menores de idade que non teñen capacidade de obrar, actuarán no seu nome, cos efectos previstos na Lei Xeral Tributaria, os seus pais, titores, ou calquera outro representante legal.

ARTIGO 4.-RESPONSABLES

Responderán solidariamente das obrigas tributarias do suxeito pasivo as persoas físicas ou xurídicas que son causantes ou colaboran na realización dunha infracción tributaria.

ARTIGO 5.- ESTIMACIÓN DAS RENDAS, TARIFAS, DESCONTOS E EXENCIÓNS

Este baremo adáptase ó publicado pola Consellería de Familia, Promoción do Emprego, Muller e Xuventude a través do Decreto 70/2002, de 28 de febreiro, polo que se aproba o réxime de prezos dos centros de atención á primeira infancia dependentes de dita Consellería (DOG número 52, de 13 de marzo de 2002), que rexerán mentres que non existan modificacións posteriores e que serán os seguintes:

-SMI (salario mínimo interprofesional) para o ano 2008: 600 euros / mes fixado polo Real Decreto 1763/2007 de 28 de decembro polo que se fixa o salario mínimo interprofesional para o ano 2008.

-Prezo base/ mes por asistencia (8 horas / día): 110 euros / mes. (Xunta) (100 euros / mes no Concello)

-O prezo mensual de cada hora en que se incremente o horario normal será de 13,75 euros/ mes (Xunta de Galicia) 12 no Concello.

-O prezo polo servizo de comedor: 33 euros mensuais.

-O Decreto 70/2002 sinala unicamente os prezos por asistencia en horario completo, os ratios por horario reducido obtéñense con aplicacións porcentuais.

Establecese un servizo de horas soltas para os non usuarios do servizo, con bonos de 12 e 6 horas cun prezo de 3 euros/hora.

Os prezos non incluídos na orde poderán revisarse anualmente.

ARTIGO 6.- BASE IMPOÑIBLE E COTA TRIBUTARIA

6.1 A base imponible virá determinada pola renda per cápita mensual, entendendo por tal o resultado de dividir polo número de personas que compoñen a unidade familiar o cociente resultante de dividir por doce a suma dos ingresos totais da unidade familiar.

Enténdese por unidade familiar a formada polos pais e fillos menores de dezaioito anos ou fillos maiores de dezaioito anos, cunha minusvalía superior ó 33 por cento. No caso de familias monoparentais, e para os efectos do cálculo da renda per cápita, incrementarase nun 0,8 o número real de membros que compoñen a unidade familiar. Para os efectos, ten a consideración de ingresos a suma da parte xeral mais a parte especial da base imponible, previas á aplicación do mínimo personal e familiar do imposto sobre a renda das personas físicas. Para as personas non obrigadas a declarar, as bases imposables a que fai referencia obteranse como resultado de aplicarlles ós datos existents na Administración os criterios de lexislación sobre a renda das personas físicas.

6.2.- A cota tributaria calcularase coas seguintes tarifas máximas:

-Contribucións mensuais por horas de uso, horas complementarias, matrícula anual e horas soltas.

INGRESOS (Tasa calculada en proporción o SMI)	COMPLETA HORAS	MEDIA 8 HORAS	HORA AMPLIADA	MATRÍCULA
Inferior o 30% do SMI	0,00€	0,00€	0,00€	0,00€
Entre o 30% e o 50% do SMI	0,00€	0,00€	0,00€	0,00€
Entre o 50 % e o 75% do SMI	30,00€	15,00€	3,60€	30,00€
Entre o 75% eo 100% do SMI	60,00€	30,00€	7,20€	60,00€
Entre o 100% e o 150% do SMI	90,00€	45,00€	10,80€	90,00€
Superior o 150% do SMI	100,00€	50,00€	12,00€	100,00€
Cando non se aporten xustificantes económicos, aplícase tarifa máxima de D. 70/2002, do 28 de febreiro.	110,00€	55,00€	13,75€	(equiparación a mes jornada completa) 110,00€

6.2 Beneficios fiscais

DESCONTOS

Familia numerosa	20%
Familia monoparental	20%
2º irmán no PAI	20% na cota do 2º irman.

Irmáns parto múltiple 30%

Ingreso despois do 15 do mes 50% da cota correspondente

Estos descontos serán acumulables en caso de concorrer estas circunstancias na mesma praza.

Establecese un servizo de horas soltas para os non usuarios do servizo, con bonos de 12 e 6 horas cun prezo de 3 euros/hora.

6.3 Servizos complementarios de utilización voluntaria:

A) Comedor: 33€ mensuais . Dias soltos 2€

B) Transporte : 33€ mensuais .

ARTIGO 7.- RETRIBUCIÓN E PERIODO IMPOSITIVO

A taxa retribuirase cando se inicie a prestación do servizo. O periodo impositivo coincide co ano natural, prorrateado por meses.

ARTIGO 8.- LIQUIDACIÓN, RECADACIÓN E XESTIÓN

8.1 A liquidación da cota tributaria practicarase por meses naturais e deberán aboala os interesados nos dez primeiros días de cada mes, na entidade ou entidades financeiras que indique o Concello ou, no seu caso, o concesionario do servizo. En calquera momento o suxeito pasivo terá a posibilidade de domiciliar os recibos.

Cando se trate de liquidacións polos servizos de horas soltas cuia cuantificación se poida efectuar antes de presta-lo servizo realizarase o ingreso antes da prestación do mermo na Tesoureria municipal ou nas entidades financeiras que se sinalen na liquidación.

8.2 Non se abonará a tarifa que corresponda ó mes en que o centro permaneza pechado por razóns de vacacións de verán. Se por calquer motivo o centro permanecese pechado durante un número superior a quince días consecutivos, non se abonará a tarifa que corresponda a este periodo.

8.3 A non asistencia do usuario ó centro durante un periodo determinado non supón redución ningunha, nin extinción da tarifa, mentres non se formalice a baixa correspondente.

Cando por causa debidamente xustificada, o neno/a deixe de asistir temporalmente ó centro, o suxeito obrigado estará exento de aboa-la cota mensual dende o primeiro día do segundo mes natural seguinte á data de ausencia do centro. A suspensión da cota durará ata o día primeiro do mes natural en que teña lugar a incorporación do neno ó centro. Non obstante, se a reincorporación se produce con posterioridade ó día 15 do mes, a cota correspondente a dito mes reducirase nun 50 por cento.

A solicitude de suspensión da cota, xunto coa acreditación documental da circunstancia que a motiva, deberá presentarse ante o SR. Alcalde, que resolverá sobre a procedencia da suspensión.

Nos casos de suspensión temporal da cota, o pagamento correspondente ó mes de reincorporación realizarase no prazo de dez días seguintes ó da data de reincorporación. Así mesmo, nos casos en que se acorde a non procedencia da suspensión solicitada, o suxeito obrigado deberá ingresa-las cotas atrasadas no prazo de dez días ó da notificación da resolución denegatoria.

ARTIGO 9.- INFRACCIÓN E SANCIÓN

En materia de infraccións e sancións estarase ó disposto na Lei Xeral Tributaria e nas disposicións que a complementen e desenvolva.

DISPOSICIÓN FINAL

A presente ordenanza fiscal aprobada polo Pleno municipal en sesión de data 22 de maio de 2008 entrará en vigor unha vez publicada no Boletín Oficial da Provincia e comezará a aplicarse a partir do día seguinte, permanecendo vixente ata que se acorde a súa derogación ou modificación expresa.